

**ხელშეკრულება**  
**სახელმწიფო შესყიდვების შესახებ N 01-03- 64**

ქ. თბილისი

06 მაისი 2019 წელი

**შემსყიდველი:** სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის ბერიკა შუკაკიძის სახით;  
მისამართი: ქ. თბილისი, გმირი კურსანტების ქ. №4;  
საიდენტიფიკაციო კოდი: 202374251;  
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

**მიმწოდებელი:** სს „საქართველოს სასტუმროები და სპა“, წარმოდგენილი მისი დირექტორის ანდრო ჯიშკარიანის სახით;  
მისამართი: ქ. თბილისი, პეტრიაშვილის ქ., №28, ბ. 11;  
საიდენტიფიკაციო კოდი: 404381414;  
საბანკო რეკვიზიტები: სს „პროკრედიტ ბანკი“, ბანკის კოდი: MIBGGE22, ა/ა: GE53PC0133600100060579.

ერთი მხრივ, შემსყიდველი და მეორე მხრივ, მიმწოდებელი, ჩატარებული ელექტრონული ტენდერის (სატენდერო განცხადების ნომერი N - NAT190003694) გათვალისწინებით, დებენ წინამდებარე ხელშეკრულებას შემდეგზე:

**მუხლი 1. ხელშეკრულებაში გამოყენებულ ტერმინთა განმარტება**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება;
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

**მუხლი 2. ხელშეკრულების საგანი**

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე საქართველოსთვის“ ფარგლებში დაგეგმილი ტრენინგის მონაწილეთათვის სასტუმრო-საკონფერენციო მომსახურების შესყიდვა, რომელიც მოიცავს მონაწილეთა სასტუმროში დაბინავებას, შეხვედრების, კონფერენციების ორგანიზების მომსახურებას, კვებას და ტრანსპორტირებას (CPV 55110000 - სასტუმროში დაბინავების მომსახურება; 55120000 - სასტუმროში შეხვედრებისა და კონფერენციების ორგანიზების მომსახურება; 55130000 - სასტუმროსთან დაკავშირებული სხვა მომსახურებები).

**მუხლი 3. ხელშეკრულების ღირებულება**

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 68176.86(სამოცდარვა ათას ას სამოცდათექვსმეტი ლარი და 86 თეთრი) ლარს დღგ-ს ჩათვლით;
- 3.3 გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;
- 3.4 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის პროგრამა „ასწავლე და ისწავლე საქართველოსთან ერთად“.



#### მუხლი 4. შესასყიდი ობიექტის ხარისხი

- 4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება წინამდებარე ხელშეკრულების პირობებს;
- 4.2 მიმწოდებელი აცხადებს, რომ გაწეული მომსახურება იქნება უნაკლო;
- 4.3 გასაწევი მომსახურების მახასიათებლები და ტექნიკური აღწერილობა:

##### 1. საკონფერენციო მომსახურება უნდა განხორციელდეს შემდეგნაირად:

- 1) სასტუმროში განთავსებული უნდა იყოს მინიმუმ 1 საკონფერენციო დარბაზი მინიმუმ 195 ადამიანზე და 8 სამუშაო ოთახი 25 ადამიანზე.
- 2) როგორც საკონფერენციო დარბაზი, ისე თითოეული სამუშაო ოთახი აღჭურვილი უნდა იყოს: პროექტორით, ლეპტოპით/კომპიუტერით, ეკრანით, ფლიპ-ჩარტის დაფით, დინამიკებით და ინტერნეტით. საჭიროების შემთხვევაში შესაძლებელი უნდა იყოს მობილური მიკროფონების გამოყენება.
- 3) ტრენინგების მიმდინარეობის დროს მონაწილეები და ტრენერები უზრუნველყოფილნი უნდა იყვნენ მინერალური/სასმელი წყლით (0.5 ლიტრიანი ბოთლებით), ასევე შემდეგი საკანცელარიო რესურსით:
  - ა. ბლოკნოტი (A4 ფორმატის, მინიმუმ 40-გვერდიანი) – 193 ცალი;
  - ბ. საწერი კალამი - 193 ცალი;
  - გ. ფლიპ-ჩარტის დაფა - 8 ცალი;
  - დ. ფლიპ-ჩარტის ქაღალდი (მინიმუმ 20 ფურცლიანი შეკვრა) – 40 ცალი;
  - ე. დაფის მარკერი (სხვადასხვა ფერი) – 30 შეკვრა, (თითოეული ფერი 10 ცალი);
  - ვ. მაკრატელი - 8 ცალი;
  - ზ. წებოვანი ლენტი (გამჭვირვალე სკოჩი 90 მ / 60 მმ) - 8 ცალი;
  - თ. ქაღალდის წებო (35გრ)- 40 ცალი;

##### 2. სასტუმროში მონაწილეთა დაბინავება უნდა განხორციელდეს შემდეგნაირად:

- 1) 185 ადამიანის განთავსება უნდა განხორციელდეს მაქსიმუმ 4(ოთხ) ადგილიან ნომრებში ცალ-ცალკე საწოლებით (არ განიხილება გასაშლელი საწოლი).
- 2) 10 ადამიანი უნდა დაბინავდეს ინდივიდუალურ ნომრებში.
- 3) ოთახებში დაცული უნდა იყოს სანიტარული ნორმები;
- 4) სასტუმროს თითოეულ ნომერს უნდა ჰქონდეს სველი წერტილები, ცივი და ცხელი წყალი (24 საათი), გათბობა-გაგრილების გამართული სისტემა; ოთახებში უნდა იყოს დღის ბუნებრივი განათება, დაუშვებელია სარდაფის ან ნახევრადსარდაფის ტიპის ნომრის გამოყენება;

##### 3. კვებითი მომსახურება უნდა განხორციელდეს შემდეგნაირად:

საუზმე, სადილი, ვახშამი, ყავა-ჩაის შესვენება. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად, მარხვის დღეებში (ოთხშაბათი -პარასკევი) გათვალისწინებული უნდა იყოს სამარხვო კერძები, ამასთან, მენიუ მინიმუმ უნდა შეიცავდეს:

საუზმე:

- რძის ნაწარმი (3 სახეობის);
- მეხვეულის ასორტი
- ცხელი კერძი (1 სახეობის);
- გარნირი (1 სახეობის);

პურ-ფუნთუშეული (2 სახეობის, არაკრემიანი);  
სასმელი (ჩაი, ყავა, წვენი შეუზღუდავი რაოდენობით);  
ნამცხვარი (2 სახეობის)  
მურაბა, ჯემი;  
ლიმონი.

სადილი:  
წვნიანი (1 სახეობის);  
გარნირი;  
რძის ნაწარმი ( 3 სახეობის);  
ცხელი კერძი (2 სახეობის);  
ცომეული (2 სახეობის);  
სალათი (2 სახეობის);  
დესერტი (2 სახეობის);  
სასმელი (ჩაი, ყავა, წვენი, გაზიანი არაალკოჰოლური სასმელი, მინერალური წყალი შეუზღუდავი რაოდენობით);  
ხილის ასორტი (სეზონური).

ვახშამი:  
ძეხვეულის ასორტი;  
გარნირი;  
ცხელი კერძი (2 სახეობის);  
სალათი (2 სახეობის);  
ცომეული (2 სახეობის);  
რძის ნაწარმი (3 სახეობის);  
ნამცხვარი (2 სახეობის, არაკრემიანი)  
მურაბა ჯემი.  
სასმელი (ჩაი, ყავა, წვენი, გაზიანი არაალკოჰოლური სასმელი, მინერალური წყალი შეუზღუდავი რაოდენობით);

ყავა-ჩაის შესვენება (Coffee Break):  
ხსნადი ყავა, ერთჯერადი ჩაი (შავი, მწვანე), შაქარი, შეუზღუდავი რაოდენობით;  
ნამცხვარი (3 სახეობის, არაკრემიანი)  
წვენი;  
ლიმონი.

შენიშვნა  
ზემოაღნიშნული მომსახურებები (საკონფერენციო მომსახურება, სასტუმრო მომსახურება, კვებითი მომსახურება) მიმწოდებლის მიერ უნდა განხორციელდეს ერთ სივრცეში, ერთი სასტუმროს მიერ;



#### **4. მონაწილეთა ტრანსპორტირება უნდა განხორციელდეს შემდეგნაირად:**

- 1) მომსახურება მოიცავს ტრენინგის მონაწილეთა (195 კაცი) ტრანსპორტირებას ქ. თბილისიდან (მისამართი: ქ. თბილისი, გლდანი, გმირი კურსანტების ქ. N 4) სასტუმრომდე და უკან.
- 2) ტრანსპორტირება უნდა განხორციელდეს თბილისიდან 2019 წლის 14 მაისს 10:00 საათზე, ხოლო სასტუმროდან თბილისის მიმართულებით – 2019 წლის 19 მაისს 12:00 საათზე.
- 3) თბილისიდან და უკან გამგზავრების ადგილის და თარიღის ცვლილების შემთხვევაში მიმწოდებელს ეცნობება წინასწარ.
- 4) ტრანსპორტირება უნდა განხორციელდეს გათბობა-კონდიციონერების გამართული სისტემით აღჭურვილი უსაფრთხო და კომფორტული ავტობუსებით. ამასთან ტრანსპორტირების დროს დაცული უნდა იყოს უსაფრთხოების ყველა ნორმა;

#### **მუხლი 5. მომსახურების გაწევის ვადები და ადგილი**

5.1 მომსახურების გაწევა განხორციელდება 2019 წლის 14 მაისიდან 19 მაისამდე;

5.2 მომსახურების გაწევის ადგილი: ქ. წყალტუბო, სასტუმრო „წყალტუბო სპა რესორტი“.

#### **მუხლი 6. შესასყიდი ობიექტის მიღება-ჩაბარების წესი**

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე საქართველოსთვის“ მენეჯერს ლალი წიკლაურს, მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

#### **მუხლი 7. ანგარიშსწორება**

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღლო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

#### **მუხლი 8. მხარეთა უფლება-მოვალეობანი**

##### **8.1 შემსყიდველი ვალდებულია:**

8.1.1 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;

8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

##### **8.2 შემსყიდველს უფლება აქვს:**

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;



8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

### **8.3 მიმწოდებელი ვალდებულია:**

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწოროს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

### **8.4 მიმწოდებელს უფლება აქვს:**

8.4.1 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

## **მუხლი 9. ხელშეკრულების პირობების შეუსრულებლობა**

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## **მუხლი 10. ხელშეკრულების ინსპექტირების პირობები**

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და განახორციელონ მომსახურების ხარისხის პერიოდული ინსპექტირება;

10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე საქართველოსთვის“ მიმართულების კოორდინატორი თამთა ნაცვალაძე, რომელიც წერს დასკვნას ხელშეკრულების პირობებთან შესაბამისობის შესახებ.



## **მუხლი 11. ხელშეკრულების შეწყვეტა**

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი.

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

## **მუხლი 12. ხელშეკრულების პირობების გადასინჯვა**

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

## **მუხლი 13. ფორს-მაჟორი.**

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორს-მაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების

და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.



#### მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2019 წლის 30 ივნისის ჩათვლით.

#### მუხლი 15. დავები და მათი გადაწყვეტის წესი

- 15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2 თუ შემსყიდველი და მიმწოდებელ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

#### მუხლი 16. სხვა პირობები

- 16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;
- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს არანაირ სიტყვიერ დამატებას;
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9 ხელშეკრულება შედგენილია ელექტრონულად, გამოყენებულია ელექტრონული ხელილსმოწერა ან/და შტამპი;
- 16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

#### მუხლი 17. მხარეთა ხელმოწერები

„შემსყიდველი“

„მიმწოდებელი“

სსიპ - მასწავლებელთა პროფესიული  
განვითარების ეროვნული ცენტრი

სს „საქართველოს სასტუმროები და  
სპა“

ბერიკა შუკაკიძე  
დირექტორი

ანდრო ჯიშკარიანი  
დირექტორი





№	გაწეული მომსახურების დასახელება	რაოდენობა	დღეების/დამეგობის რაოდენობა	ერთეულის ფასი (ლარი)	საერთო ფასი (ლარი)
<b>1</b>	<b>სასტუმრო ნომრით მომსახურება, 2019 წლის 14 - 19 მაისი - სულ 5 დამე</b>				
1.1	სასტუმროს ნომრით მომსახურება (მაქსიმუმ სამადგილიანი ნომრები)	185	5	28.32	26,196.00
1.2	სასტუმროს ნომრით მომსახურება (ინდივიდუალური ნომრები)	10	5	35.40	1,770.00
<b>სასტუმროს ნომრით მომსახურების ჯამი:</b>					<b>27,966.00</b>
ერთეულის ფასში იგულისხმება ნომერში ერთი ადამიანის დაბინავების ღირებულება					
<b>2</b>	<b>საკონფერენციო დარბაზით მომსახურება, 2019 წლის 14 მაისს - სულ 1 დღე</b>				
2.1	საკონფერენციო დარბაზით მომსახურება (მინიმუმ 195 კაცზე)	1	1	1,164.66	1,164.66
<b>საკონფერენციო დარბაზის მომსახურების ჯამი:</b>					<b>1,164.66</b>
<b>3</b>	<b>სამუშაო ოთახებით მომსახურება</b>				
3.1	სამუშაო ოთახებით მომსახურება (მინიმუმ 25 კაცზე)	8	4	177.00	5,664.00
<b>4</b>	<b>კვებითი მომსახურება</b>				
4.1	საუზმე	195	5	4.72	4,602.00
4.2	სადილი	195	5	8.26	8,053.50
4.3	ვახშამი	195	5	8.26	8,053.50
4.4	ყავა-ჩაის სესვენება	195	4	3.54	2,761.20
<b>კვებითი მომსახურების ჯამი:</b>					<b>23,470.20</b>
<b>5</b>	<b>ტრენინგის მონაწილეთა ტრანსპორტირება ქ. თბილისი სასტუმრომდე და უკან</b>				
			<b>ავტობუსების რაოდენობა</b>	<b>ერთეულის ფასი (ლარი)</b>	<b>საერთო ფასი (ლარი)</b>
5.1	ტრანსპორტირება ქ. თბილისიდან სასტუმრომდე და უკან მაქსიმუმ 195 კაცზე (ავტობუსები)		4	2478	9,912.00
<b>სულ მომსახურების ღირებულება:</b>					<b>68,176.86</b>

მხარეთა ხელმოწერები

„შემსყიდველი“

„მიმწოდებელი“

სსიპ - მასწავლებელთა პროფესიული განვითარების ეროვნული ცენტრი

სს „საქართველოს სასტუმროები და სპა“


ბერიკა შუკვიძე  
დირექტორი

ანდრო ჯიშკარიანი  
დირექტორი






ჩვენ ქვემოთ ხელისმომწერი, ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პრობლემა და წესები) და ხელისმომწერით ვადასტურებთ, რომ მიმწოდებლის მიმართ (სს „საქართველოს სასტუმროები და სპა“) არ ვიმყოფებით ინტერესთა კონფლიქტში.



სსიპ - მასწავლებელთა პროფესიული განვითარების ეროვნული ცენტრის დირექტორი


/ბ. შუკაკიძე/

სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე საქართველოსთვის“ მენეჯერი



/ლ. ჩიკლაური/

სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე საქართველოსთვის“ კოორდინატორი



/თ. ნაცვალაძე/


**ვიზირება:**

სსიპ - მასწავლებელთა პროფესიული განვითარების ეროვნული ცენტრის დირექტორის მოადგილე



/დ. შვედელიძე/

სსიპ - მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის უფროსი



/გ. მჭისაური/

სსიპ - მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის შესყიდვების ჯგუფის უფროსი



/ნ. გიგოლაშვილი/